

Bario Brazil ta bay celebra di 5 aniversario

ORANJESTAD(AAN)- Den cuadro di celebracion di 5 aniversario di edificio di Centro di bario Brazil, directiva di C.B. ta organisa un reunion pa tur organisacion y gruponan di bario. E reunion lo tuma lugar Diahuebs, 5 di Mei pa 8'or di anochi den C.B.B.

Durante e reunion aki lo papia tocante un siman di actividad pa bario cu lo tuma lugar entre 15 y 21 di Mei proximo den C.B.B. E siman

di actividad aki lo consisti entre otro di mainta di bingo pa e grandinan di bario, sporttocht pa mucha y adulto, hersengymnastiek, programanan Memoria y showtime na Tele Aruba dedica na Brazil y estreno di un video tocante Brazil y apertura di un exposicion tocante Brazil. Tur e programanan lo tin "Brazil" como tema central.

E programa aki ta pues en conexion cu di 5 aniversario di

C.B.B. y alavez na ocasion di e apertura oficial di e proyecto centro di informacion Brazil. E proyecto aki tin como meta pa desaroya actividadnan regular pa diferente gruponan di edad den bario.

Pa por realisa henter e programa aki directiva di C.B.B mester di yudansa di tur grupo y organisacion di bario. Pa e motibo aki ta spera di por conta cu presencia di tur invitado y otro interesadonan di bario.

Rococo Plaza : Un centro comercial nobo



ORANJESTAD(AAN)-- Na Tanki Leendert a worde construi un compleho nobo. Ta e intencion pa bay establece varios negoshi den e construccion di KTBA, cu a worde yama Rococo Plaza, un nomber cu ta data di tempo di Louis Quince.

E compleho ta keda canto

di caminda y ora drenta por admira un cantidad di muebles y articulo cu ta trece atrobe e ambiente di Siglonan 17 y 18.

Señora Nancy Schmidt a mustra e coleccion grandi y a papia di e articulonan di gran valor cu ta presente den e negoshi.

Den Rococo Plaza tin espacio pa varios otro tipo di negoshi, manera Restaurant, snackbar, joyeria, drugstore, salon di beyeza y supermercado.

E centro, cu ta brinda espacio pa hunga ajedrez, tin espacio amplio pa estaciona auto y bañonan moderno.